

BOSNA I HERCEGOVINA  
MINISTARSTVO VANJSKE TRGOVINE I  
EKONOMSKIH ODNOSA



URED ZA HARMONIZACIJU I KOORDINACIJU  
SISTEMA/SUSTAVA PLAĆANJA U POLJOPRIVREDI,  
ISHRANI/PREHRANI I RURALNOM RAZVOJU/RAZVITKU  
BiH

БОСНА И ХЕРЦЕГОВИНА  
МИНИСТАРСТВО СПОЉНЕ ТРГОВИНЕ И  
ЕКОНОМСКИХ ОДНОСА

КАНЦЕЛАРИЈА ЗА ХАРМОНИЗАЦИЈУ И КООРДИНАЦИЈУ  
СИСТЕМА ПЛАЋАЊА У ПОЉОПРИВРЕДИ, ИСХРАНИ И  
РУРАЛНОМ РАЗВОЈУ БиХ

Broj: 01-50-184/12  
Sarajevo, 17. 12. 2012. godine

PARLAMENTARNA SKUPŠTINA  
BOSNE I HERCEGOVINE  
ZASTUPNIČKI/PREDSTAVNIČKI DOM

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

PRIMLJENO: 18. 12. 2012.			
Organizaciona jedinica	Klasifikaciona oznaka	Redni broj	Broj priloga
01-50-1-15-36		12	

**VIJEĆE MINISTARA  
BOSNE I HERCEGOVINE**

**MINISTARSTVO VANJSKE TRGOVINE  
I EKONOMSKIH ODNOSA  
BOSNE I HERCEGOVINE**

Predmet: Odgovor na zastupničko pitanje  
Veza: Vaš akt br: 05-50-1-3398/12, od 04. 12. 2012. godine


Poštovani,

U skladu sa Vašim aktom br: 05-50-1-3398/12, od 04. 12. 2012. godine, a koji se odnosi na zastupničko pitanje gospodina Lazara Prodanovića u prilogu Vam dostavljamo odgovore na dole postavljena (navedena) pitanja:

1. Koje mjere će Kancelarija preduzeti da popravi negativne ocjene iz izvještaja o napretku.
2. Na koji način kancelarija namjerava da osigura transparentnost i koordinaciju sistema plaćanja u Bosni i Hercegovini in a taj način da javnosti prezentuje svoj rad i dostupnost.
3. Da li kancelarija identifikuje i pomaže u razvoju i provodjenju mjera uvozno-izvoznog režima i intervencije na tržištu i u kojim konkretno slučajevima.

S poštovanjem,

Dostavljeno:  
- Naslovima  
- a/a



V.D. DIREKTORA

Prof. Dr. Hamdija Čivić



**BOSNA I HERCEGOVINA  
VIJEĆE MINISTARA**

**Obrazac za pripremu prijedloga odgovora  
na poslaničko pitanje**

Broj: \_\_\_\_\_  
Sarajevo, \_\_\_\_\_ . godine

**PRIJEDLOG**

**Lazar Prodanović**, poslanik u Predstavničkom domu Parlamentarne skupštine Bosne i Hercegovine, na 36 sjednici Predstavničkog doma održanoj, 22. 11. 2012. godine, postavio je sljedeće poslaničko pitanje:

1. Koje mjere će Kancelarija preduzeti da popravi negativne ocjene iz izvještaja o napretku.
2. Na koji način kancelarija namjerava da osigura transparentnost i koordinaciju sistema plaćanja u Bosni i Hercegovini in a taj način da javnosti prezentuje svoj rad i dostupnost.
3. Da li kancelarija identifikuje i pomaže u razvoju i provodjenju mjera uvoznog-izvoznog režima i intervencije na tržištu i u kojim konkretno slučajevima  
(citirati postavljeno pitanje)

Na postavljeno pitanje, Vijeće ministara Bosne i Hercegovine je na \_\_sjednici  
(broj)  
održanoj \_\_\_\_\_ godine, utvrdilo sljedeći  
(datum sjednice)

**ODGOVOR**

---

---

---

---

---

---

---

---

---

---

---

---

---

---

---

---

---

(navesti tekst prijedloga odgovora)

## ODGOVOR

Poštovani,

U svojstvu vd. direktora Ureda za harmonizaciju i koordinaciju sistema plaćanja u poljoprivredi, ishrani i ruralnom razvoju Bosne i Hercegovine mogu dati sljedeće odgovore, s tim što su konkretni odgovori na postavljena pitanja pod rednim brojem 4, 5 i 6 :

1. Na pozivnicu vd. direktora Ureda za harmonizaciju i koordinaciju sistema plaćanja u poljoprivredi, ishrani i ruralnom razvoju Bosne i Hercegovine (u daljem tekstu Ured) imenovan sam od strane Vijeća ministara BiH 09. 11. 2011. godine. Nakon preuzimanja ove dužnosti Ured nije imao svoj budžet, niti je imao Pravilnik o unutrašnjoj organizaciji, a samim tim nije bilo ni zaposlenih ljudi u Uredu. Nakon preuzimanja dužnosti, započeo sam aktivnosti na izradi Pravilnika o unutrašnjoj organizaciji koji je usvojen na 5. Sjednici Vijeća ministara, održanoj 18. 04. 2012. godine, aktom broj: 05-07-1-915-59/12 od 23. 04. 2012, a u maju 2012 godine usvojen je budžet BiH za 2012 godinu, a u okviru njega i budžet za Ured u smanjenoj formi od predložene.
2. Sa prethodno navedene dvije stavke, stvoreni su formalno pravni uslovi za raspisivanje konkursa i prijem uposlenika u Ured. Kao v.d. direktor Ureda, preko Agencije za državnu službu BiH, a u skladu sa procedurama pokrenuo sam navedene procedure u junu mjesecu 2012. godine. Na žalost Vijeće ministara BiH je na svojoj 12. Sjednici od 04. 07. 2012. godine donijelo zaključak u formi preporuke da se izbor uposlenika u Uredu obavi nakon izbora rukovodstva. Konkurs za izbor rukovodstva u Uredu (direktor, zamjenik i savjetnik) raspisan je 10. 07. 2012. godine i sva procedura od strane Agencije za državnu službu BiH završena je 22. oktobra 2012. godine. Ali od tada pa do danas nije izvršeno imenovanje rukovodećih državnih službenika od strane nadležne institucije.
3. Pored navedenih činjenica u protekloj godini proveo sam ostale aktivnosti koje sam kao vd. direktor moga objektivno uraditi , a to su:
  - Javne nabavke (provedene su potrebne procedure za javne nabavke i nabavljena planirana tehnička oprema za Ured, namještaj, vozilo i sl.). Na ovaj način stvorena je potrebna infrastruktura i tehničke pretpostavke za prijem novih uposlenika Također prema preporukama Vijeća ministara o racionalizaciji troškova u svim državnim institucijama vezanim za zakupe prostora uspio sam da prvobitnu cijenu zakupa koja je ugovorena prije mog dolaska na čelo ove institucije, smanjim za 10 KM/m<sup>2</sup>, te su na ovaj način napravljene značajne uštede. vezane.
  - Također u proteklom periodu Ured je aktivno učestvuje u izradi plana aktivnosti vezanim za implementaciju projekta IPA 2008-„Podrška poljoprivrednoj politici i strukturama usklađenim sa IPARD-om“ U navedenom projektu imenovan sam za člana Operativnog tima/Upravni odbor projekta. Kroz navedeni projekat obezbijedena je tehnička pomoć za Ured (računari i ostala IT oprema), navedena oprema treba biti isporučena najdalje do marta 2013 godine. Također kroz projekat je predviđena i obezbijedena stručna podrška i obuka za nove uposlenike vezano za procedure koje predviđja IPARD.
  - Ured je takodje uključen u projekt IPA 2010 koji je zamišljen kao pilot projekt podrške IPA mjerama ruralnog razvoja, a čija implementacija počinje početkom 2013 godinom. Za implementaciju navedenog projekta neophodno je što žurnije raditi na jačanju kapaciteta Ureda (ljudski i materijalno-tehnički resursi), u tom djelu očekujem

sveobuhvatnu podršku i pomoć svih nadležnih institucija, kako bi smo u ovom djelu što prije ispunili uslove koji nam stoje na putu ka Evropskim integracijama.

- Uspostavljeni su i ostvareni međunarodni kontakti, posjete i sporazumi sa drugim Agencijama u regionu i šire. (Hrvatska, Slovenija, Makedonija, Crna Gora, Srbija, Njemačka). Sa Hrvatskom Agencijom za plaćanja u poljoprivredi, ribarstvu i ruralnom razvoju, Ured ima potpisan međusobni Sporazum o saradnji. Također su obavljene međusobne i zvanične posjete rukovodstava ove dvije institucije Zagrebu i Sarajevu. Do sada sam ispred Ureda učestvovao na nekoliko TAIEX radionica vezanih za uspostavu: informacionih sistema u poljoprivredi i ruralnom razvoju, zatim radionice koje su se odnosile na uspostavu poljoprivrednih savjetodavnih sistema, radionica u organizaciji EPICA vezanim za izradu strategije ruralnog razvoja u BiH. Bio sam u studijskoj posjeti Agencijama u Njemačkoj, koja je imala za cilj sagledavanje struktura i funkcionisanje platniha Agencija u Njemačkoj itd.
- 4. **Ured sa svoje strane preuzima sve neophodne mjere koje mu stoje na raspolaganju kako bi se stanje u BiH popravilo i kako bi Izvještaj o napretku Bosne i Hercegovine u oblasti poljoprivrede i ruralnog razvoja u BiH bio pozitivan i na zavidnom nivou.** Međutim ovdje moram ponovo navesti realne prepreke i probleme koje smo već prethodno dijelom spomenuli. Činjenice su da Ured još uvijek nema imenovano rukovodstvo ali da su i procedure zapošljavanja ostalih uposlenika još u zastoju. Takođe, u cilju ispunjavanja neophodnih preduslova za prihvatanje predpristupne pomoći za poljoprivredu i ruralni razvoj EU, neophodno je donijeti odluku na nivou BiH o uspostavi IPARD platne agencije kao dijela IPARD strukture u BiH. Po ovom pitanju formirana je radna grupa na nivou BiH, čiji sam član od juna mjeseca 2012. godine. Radna grupa postoji i djeluje već pune tri godine, ali na žalost ni do danas nema rezultata o izgledu budućeg modela IPARD platne agencije u BiH. Posljednjim sastankom radne grupe ovo pitanje je delegirano višim nivoima (ministarstvima i vladama), jer je očito da je ovo postalo i političko pitanje. Uloga Ureda u uspostavi IPARD platne agencije je vrlo važna, jer je Ured zamišljen kao preteća buduće IPARD platne Agencije na nivou BiH. U tom smislu Ured planira dati svoj doprinos u uspostavi buduće IPARD platne agencije, zatim učestvovati u procesu i procedurama izmjenama i dopunama postojeće zakonske regulative, odnosno donijeti Zakon o izmjenama i dopunama zakona o poljoprivredi, prehrani i ruralnom razvoju BiH u dijelu koji se odnosi na funkcije Ureda i izmjenama i dopunama Pravilnika o unutrašnjoj organizaciji Ureda za harmonizaciju i koordinaciju sistema plaćanja u poljoprivredi, ishrani i ruralnom razvoju Bosne i Hercegovine.
- 5. **Ured namjerava uspostaviti sistem kordinacije plaćanja u poljoprivredi i ruralnom razvoju na nivou BiH i njegovu transparentnost tako što će pristupiti izradi jedinstvenog Pravilnika o uslovima i načinu ostvarivanja prava na podrške u poljoprivredi i ruralnom razvoju BiH, a na bazi prethodne sveobuhvatne analize postojećeg stanja u BiH i u skladu sa Evropskim standardima temeljenim na Zajedničkoj poljoprivrednoj politici u EU (CAP-u).** Obzirom da se podrška poljoprivredi i ruralnom razvoju u BiH pruža sa različitih administrativnih nivoa zemlje (entiteti, kantoni, opštine) svaka administrativna jedinica donosi svoje Pravilnike o uslovima i načinima ostvarivanja prava na podršku. Ovi Pravilnici su u velikoj mjeri različiti kako po formi tako i prema uslovima kojima se definiše pravo na podršku. U tom kontekstu neophodno je uraditi i harmonizaciju načina, pravila i uslova za ostvarenje podrške na svim nivoima. Stoga se kao logično nameće uraditi jedan okvirni model/smjernice za izradu pravilnika o podrškama na teritoriji cijele zemlje, a sa ciljem da pravilnici, odnosno kriteriji implementacije mjera podrške budu

usklađeni u cijeloj zemlji i u skladu sa zahtjevima EU. *Zakonski osnov za ovu zadaću je i Zakon o poljoprivredi, prehrani i ruralnom razvoju BiH (član 13) koji je objavljen u Službenom glasniku BiH 50/08 23.06.2008. godine.*

6. **Pitanje uvozno-izvoznog režima, kao i kreiranje stabilnog i adekvatnog sistema tržišnih intervencija u Bosni i Hercegovini,** je jedno od ključnih pitanja za razvoj poljoprivrednog sektora. Kao što je već (vjerovatno) poznata činjenica mjere koje regulišu uvozno-izvozni režim su u nadležnosti državnog nivoa, dok su mjere tržišnih intervencija u nadležnosti entitetskih ministarstava (poljoprivrede donekle i ministarstava trgovine). U ovakvim uslovima podijeljenih nadležnosti gotovo je nemoguće uspostaviti efikasan sistem zaštite i podrške poljoprivrednim proizvođačima kroz mjere tržišno-cjenovne politike (politike koja se kreira putem tržišnih intervencija i regulisanje uvoza i izvoza). Druge države svijeta jednostavno usklađuju ove dvije grupe politika kako bi kroz istu obezbijedile zaštitu i podršku svojim proizvođačima. Regulisanjem uvoza (dodatnim) putem određenih mjera tipa varijabilnih dadžbina, zatim različitih oblika kvota, sezonskih carina i sl. država pokušava da obezbijedi povoljniji položaj svojim proizvođačima, odnosno pokušava zaštititi svoj poljoprivredne proizvođače od konkurencije iz vana (koja radi prirodnih ili vještačkih uslova može biti konkurentnija od domaće proizvodnje). Gore pomenutom grupom mjera zaštite (regulisanja uvoza) obezbjeđuje se nešto više opterećenje uvoznih poljoprivrednih proizvoda čime se domaćim poljoprivrednicima obezbjeđuje bolji uslovi za prodaju (jeftinije cijene domaćih proizvoda). Tržišne intervencije s druge strane su dodatni mehanizam regulisanja tržišta kojim se osigurava određeni (propisani) nivo cijena za ciljane poljoprivredne proizvode. Sistem se aktivira u slučajevima kada cijene poljoprivrednih proizvoda (iz bilo kojih razloga, najčešće povećane ponude u odnosu na tržanju usljed žetvi/berbi) za koje su propisane administrativne cijene padnu ispod propisanog nivoa. U tom slučaju se jednostavno aktiviraju institucije (u EU platne agencije u starim sistemima, kakav je naš, Robne rezerve) koje vrše otkup datih poljoprivrednih proizvoda. Na ovaj način se kreira vještačka potražnja što opet dovodi do rasta cijena poljoprivrednog proizvoda za koji se interveniše. Nažalost i pored određenih pokušaja u BiH ovakav jedan zatvoreni sistem još uvijek nije postavljen. Veliko pitanje je šta se još može uraditi posebno u dijelu kontrole uvozno-izvoznog režima u situaciji kada imamo određena ograničenja u formi potpisanih ugovora o slobodnoj trgovini CEFTA, SAA, ili otvorenih EFTA, WTO i sl.

Kakva je trenutna situacija sa domaćim sistemom ukratko ćemo opisati u nastavku. Kako smo već naglasili državni nivo (MVTEO) propisuje mjere koje imaju za cilj regulisanje uvoza ili izvoza, praksa je da se u ove aktivnosti uključuju i entiteti kroz različite forme radnih grupa, timova i sl. Predstavnici entiteta mogu, zavisno od njihovih ciljeva ili nekakvih strateških smjernica, predlagati mjere koje će za krajnji cilj imati regulaciju uvozno-izvoznog režima. S druge strane tržišne intervencije<sup>1</sup> entitetska ministarstva kreiraju bez ikakve konsultacije sa državnim nivom, a još manje u međusobnoj koordinaciji. Ovakav pristup ne samo da nije dobar i prihvatljiv, već je jednostavno i nemoguće za implementirati u praksi. Evo nekoliko razloga za ovu tvrdnju:

Mjere tržišnih intervencija vrlo teško, bolje rečeno nikako, se ne mogu efikasno provoditi na jednom dijelu zemlje (npr. entitetu). Razloga je što se proizvod koji se povlači sa jednog dijela teritorije (entiteta), a kao rezultat intervencije, vrlo brzo

<sup>1</sup> Neophodno ih je bilo uspostaviti još odavno ipak ni sada nije kasno posebno zbog činjenice da ćemo ove mjere morati uvesti kod postupka harmonizacije sa ZAP EU (ova grupa mjera u EU je itekako zastupljena)


ponovo nađe na istom, jer se prelijeva iz drugog entiteta zbog nepostojanja administrativnih zapreka između dvije teritorije. Ovo ukazuje na paradoks kreiranja i provođenja mjera intervencija na tržištu sa nižih nivoa osim centralnog/državnog. Do sada smo bili svjedoci niza neuspjelih intervencija na domaćem tržištu. Obzirom da ne mogu kreirati adekvatan sistem entiteti kod određenih problema sa viškovima proizvoda, koje poljoprivrednici ne mogu da realiziraju, pribjegavaju već razrađenim sistemima nužnog otkupa, po cijenama koje se „pogode“ sa poljoprivrednicima, i u ograničenim količinama. Ovakve „intervencije“ su „socijalne intervencije“ primjenjuju se *ad hock* i nemaju obilježja ozbiljno kreiranih i razrađenih mjera agrarne politike. Imajući na umu ovaj veliki propust u agrarnoj politici entiteta i države, kao i činjenicu da je ove mjere nemoguće efikasno provesti na dijelovima teritorija, Ured kao institucija koja prevashodno ima za cilj harmonizaciju mjera domaće politike<sup>2</sup> planira zajedno sa entitetima raditi na uspostavljanju efikasnijeg mehanizma tržišnih intervencija i tržišnog uređenja tržišta poljoprivrednih proizvoda. Bolje rečeno uvođenja harmonizirane politike intervencija i podrške tržištu na teritoriji cijele zemlje. „Divljanje“ cijena na svjetskom tržištu, posebno osnovnih žitarica, te problemi sa intervencijama iz robnih rezervi u posljednjih godina, trebali bi biti dodatni motiv da se o ovom problemu pristupi na ozbiljniji način. Cilj nam je takođe da se uključimo i kreiranje efikasnijih mjera koje se tiču i kontrole uvoza ali i podrške izvoza kroz mjere koje su nam kao državi ostale na raspolaganju.

Sumirano; Ured za koordinaciju i harmonizaciju sistema plaćanja nije aktivno učestvovao u razvoju i provođenju mjera uvozno – izvozno režima niti u kreiranju i provođenju mjera tržišnih intervencija. Razlog je jednostavan i operativne prirode, odnosno to što još uvijek nije imenovan ni menadžment a niti je zaposlen planiran/neophodan broj ljudi. Međutim, svjesni problema koji ste naveli u svom pitanju, što je svakako za svaku pohvalu, ove aktivnosti smo stavili u sami vrh prioriteta za rad u narednoj godini. Interesovanje ljudi poput Vas za ovu vrstu problema je za svaku pohvalu i na neki način ohrabrenje nama da će naše buduće aktivnosti na ovom polju biti i svesrdno podržane.

S poštovanjem,

V.D. DIREKTORA

Prof. Dr. Hamdija Čivić



<sup>2</sup> Ostale zadaće Ureda su: harmonizacija domaće politike sa Zajedničkom agrarnom politikom zemalja EU, zatim harmonizaciju prema odredbama Ugovora o poljoprivredi AoA WTO, bolje rečeno ograničenjima koja će proisteci iz tog ugovora, institucionalna priprema za prihvatanje/povlačenje predpristupnih sredstava EU namijenjenih za poljoprivredu i ruralnih razvoj – IPARD sredstva.



**BOSNA I HERCEGOVINA**  
**VIJEĆE MINISTARA**  
*Generalno tajništvo*

Broj: 05-50-1-3398/12  
Sarajevo, 14.3.2013. godine

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

PRIMLJENO:	10. 3. 2013.		
Organizacioni broj	Klasifikacioni broj	(redni broj)	Broj priloga
01-50-1-15-26/12			

**PARLAMENTARNA SKUPŠTINA BiH**

*- Zastupnički dom -*

**SARAJEVO**

**PREDMET:** Odgovor na zastupnička pitanja – dostavlja se

Vijeće ministara Bosne i Hercegovine, na 42. sjednici održanoj 13.3.2013. godine, utvrdilo je Odgovor na zastupnička pitanja koja je postavio Lazar Prodanović, zastupnik u Zastupničkom domu Parlamentarne skupštine Bosne i Hercegovine.

U prilogu prosjeđujemo Odgovor radi njegovog dostavljanja zastupniku.

S poštovanjem,

**GENERALNI TAJNIK**  
*Zvonimir Kutleša*





**BOSNA I HERCEGOVINA  
VIJEĆE MINISTARA**

Broj: 05-50-1-3398/12  
Sarajevo, 13.3.2013. godine

Lazar Prodanović, poslanik u Predstavničkom domu Parlamentarne skupštine Bosne i Hercegovine, na 36. sjednici Predstavničkog doma, održanoj 22.11.2012. godine, postavio je sljedeća poslanička pitanja:

1. Koje mjere će Kancelarija preduzeti da popravi negativne ocjene iz Izvještaja o napretku?
2. Na koji način Kancelarija namjerava da osigura transparentnost i koordinaciju sistema plaćanja u Bosni i Hercegovini i na taj način da javnosti prezentuje svoj rad i dostupnost?
3. Da li Kancelarija identifikuje i pomaže u razvoju i provođenju mjera uvožno-izvoznog režima i intervencije na tržištu i u kojim konkretno slučajevima?

Na postavljeno pitanje, Savjet ministara Bosne i Hercegovine je na 42. sjednici, održanoj 13. 03. 2013. godine, utvrdio sljedeći

**ODGOVOR**

1. Kancelarija za harmonizaciju i koordinaciju sistema plaćanja u poljoprivredi, prehrani i ruralnom razvoju Bosne i Hercegovine (u daljem tekstu: Kancelarija), preuzima sve neophodne mjere koje joj stoje na raspolaganju kako bi se stanje u BiH popravilo i kako bi Izvještaj o napretku Bosne i Hercegovine u oblasti poljoprivrede i ruralnog razvoja u BiH bio pozitivan i na zavidnom nivou. Međutim, činjenice su da Kancelarija do nedavno nije imala imenovano rukovodstvo i da su procedure zapošljavanja bile u zastoju. Od 1. Februara 2013. godine imenovano je rukovodstvo Kancelarije i ono će preduzeti sva moguća zakonska ovlaštenja da ubuduće ocjena o napretku BiH u oblasti poljoprivrede i ruralnog razvoja bude pozitivna. Međutim, isto tako želimo jasno reći da odgovornost i nadležnost kada je u pitanju stanje u oblasti poljoprivrede i ruralnog razvoja u BiH, najmanje leži na Kancelariji. Da bi Kancelarija odgovorila složenim zadacima, kao što je uspostava neophodne IPARD implementacione strukture, neophodno je najprije postići politički konsenzus po ovom pitanju.

2. Kancelarija namjerava uspostaviti sistem koordinacije plaćanja u poljoprivredi i ruralnom razvoju na nivou BiH i njegovu transparentnost tako što će pristupiti izradi jedinstvenog harmonizovanog Pravilnika o mjerama podrške u poljoprivredi i ruralnom razvoju BiH.



Harmonizaciju mjera podrške, načina i procedura Kancelarija namjerava uraditi na način da se prethodno pristupi sveobuhvatnoj analizi dosadašnjeg stanju u ovoj oblasti i nastojanju da zajedno sa entitetskim nadležnim tijelima harmonizirane mjere uskladimo što je moguće više sa istim koje važe u zemljama EU, uvažavajući određene specifičnosti BiH u ovoj oblasti. Obzirom da se podrška poljoprivredi i ruralnom razvoju u BiH pruža sa različitim administrativnih nivoa zemlje (entiteti, kantoni, opštine) svaka administrativna jedinica donosi svoje pravilnike o uslovima i načinima ostvarivanja prava na podršku. Ovi pravilnici su u velikoj mjeri različiti kako po formi tako i prema uslovima kojima se definiše pravo na podršku. U tom kontekstu neophodno je uraditi i harmonizaciju načina, pravila i uslova za ostvarenje podrške na svim nivoima, a sa ciljem da pravilnici, odnosno kriteriji implementacije mjera podrške budu usklađeni u cijeloj zemlji i u skladu sa zahtjevima EU. Zakonski osnov za ovu zadaću je član 13. Zakona o poljoprivredi, prehrani i ruralnom razvoju BiH („Službenom glasniku BiH”, broj 50/08).

Transparentnost rada Kancelarija namjerava osigurati kroz dostavljanje godišnjeg izvještaja Savjetu ministara BiH o visini utroška sredstava za podsticaje na nivou BiH, izražen kroz strukturu, vrste itd. Transparentnost svog rada Kancelarija namjerava ostvariti i kroz objavljivanje određenih aktivnosti na web stranici i kroz oglašavanje u javnim printanim i elektronskim pozivima (objavljivanje javnih poziva, određenih uputstava, obrazaca i sl.). Neke od ovih aktivnosti već su planirane da se realizuju kroz projekt IPA 2008 „Podrška poljoprivrednoj politici i strukturama usklađenim sa IPARD-om”. Implementacija ovog projekta je u fokusu.

3. Pitanje uvozno-izvoznog režima, kao i kreiranje stabilnog i adekvatnog sistema tržišnih intervencija u Bosni i Hercegovini je jedno od ključnih pitanja za razvoj poljoprivrednog sektora. Kao što je već vjerovatno poznata činjenica, mjere koje regulišu uvozno-izvozni režim su u nadležnosti državnog nivoa, dok su mjere tržišnih intervencija u nadležnosti entitetskih ministarstava (poljoprivrede, donekle i ministarstava trgovine). U dijelu kontrole uvozno-izvoznog režima u situaciji kada imamo određena ograničenja u formi potpisanih ugovora o slobodnoj trgovini CEFTA, SAA, ili otvorenih EFTA, WTO i sl. imamo veoma ograničene mogućnosti djelovanja.

Kancelarija planira zajedno sa entitetima raditi na uspostavljanju efikasnijeg mehanizma tržišnih intervencija i tržišnog uređenja tržišta poljoprivrednih proizvoda. Bolje rečeno uvođenja harmonizovane politike intervencija i podrške tržištu na teritoriji cijele zemlje. „Divljanje” cijena na svjetskom tržištu, posebno osnovnih žitarica, te problemi sa intervencijama iz robnih rezervi posljednih godina, trebali bi biti dodatni motiv da se ovom problemu pristupi na ozbiljniji način. Cilj nam je takode da se uključimo u kreiranje efikasnijih mjera koje se tiču i kontrole uvoza, ali i podrške izvoza kroz mjere koje su nam ostale na raspolaganju.

Kancelarija nije aktivno učestvovala u razvoju i provođenju mjera uvozno – izvoznog režima niti u kreiranju i provođenju mjera tržišnih intervencija. Razlog je jednostavan i operativne prirode, odnosno tek je imenovano rukovodstvo, a još uvijek nije zaposlen neophodan broj ljudi. Međutim, Kancelarija je ove aktivnosti svrstala u sami vrh prioriteta za rad u 2013. godini i realno očekuje svesrdnu podršku na ovom polju.